

Tutu e táxnūu San Pablu iña Títo

Taxnūu Pablu tutú iña Títo

1 Xu'u é Pablú u ne, kade tsiñu ú iña Xuva ko; pustru Jesúcrístú u. Taxnūu ña kó vata koo é na kuinti'xe ña'a, ña é nakaxnúu Xuva kō, vata koo é na kūtuni ña tsí nchu'un é nuu é ntaā i e ntákuinti'xe kō, ²e ntantétu ō é nī'i ko é vā'á nta'a Xuva ko ntii dañu ntūvi. E tá'xi Xuva ko xū'u ña nte dí'na dá iñi ntu'u ñúxivi san tsí kuān koo kuvi ne, ñá te da kakā'an ña. ³Vevii ne, e xée ntūvi e xtúvi ñá ne, tā'xi ña é kūtuni ko tú'ūn va'á san iña ña, iña Xuva ko, ña é nakáku kō, divi tū'un e xtúvi ñá nta'a ko é kā'an ntódo ú ni ñā'a. ⁴Taxnūu ú tutu sá'a iña o, Tito. I'xá mii ntí'xe ko kúvin, tsí nañé'e ú o é dadíi tsi kuinti'xe o nī ko. Na naxnuu viko Xuva kō ó, nī Tó'lo ko Jesúcrístu, ña é nakáku kō; na tā'xi ña é vā'á koo kutūvin.

Tsiñu é kāde Tito ñuú Creta

⁵Xtuvī míi ú o ñuú Creta vata koo é viin é kākunaá ka ikān, vata koo é kadā kú'vén xoo é vii í ñatā ña ntádē kú've ini ukun iña é un é un ñuú san vatā ó kaka'án u é viin. ⁶Ña é víi ñatā ne, vá'a koo na vii

ñá vata koo é ña ka'an kīni ña'a san iña ña. Uun tsi ñadi'í ñá koo. I'xá ña ne, na kuinti'xe i Xuva kō di; ña kúvi é dotō tsí vii, vata koo é ña tuvī nēe núu i é kīni kaa; i'xa e dóo koñu'ū. ⁷Ña odo nūú ini ukun ne, da mii é vii ña é vā'a, tsí kade ña kuenta iña Xuva ko. Ña kúvi víi ka'nu ña. Ña kúvi é kūdiin ña é da nuu da kuií tsi. Ñá ku de kī'vi ña. Ñá ku nāa núu ña. Ñá ku kuinima ñá diu'un. ⁸Vá'a koo na vii ñá nī ña kaxee ví'i ña. Na kuinima ña é vā'a. Na kadā kuení va'á ñá nté koo víi ña. Vá'a koo na kadā kú've ña. Na kāda ntaa ña é kāka'an Xúva kō. Ñá ku dotō tsi íde ña da nēe ka é ntio ña. ⁹Ñá ku xtuvī mii ña é kuinti'xe ña tú'ūn va'á san vatā o nakua'á nti ña, vata koo é kúvi kué'e ña itsi vā'á ni tūku ña'a, vata koo é na kúvi víi ña é tīin dikī ñá'a san tú'ūn é kāka'an ñá, tē xoó kaka'an ntée i tú'ūn va'á san.

¹⁰Tsi dóo ío ña'a, ña é ña ncho kuinti'xe i. Dotō tsi ntáka'an ñá, ntaéni nta'ví ña ña'a. Díi díi ka ntáde ña Israeé san, tsí ntáka'an ña tsí da mii é kā'nte o kúñu é xii ko. ¹¹Kantio é na ntádí xu'u ña, tsi ntánateñu núu ña ña kuinti'xe i san ni ūn ntíí ntíí ñavi'i ña é dotō tsí

ntánakuā'a ña tú'ūn é ña kaidiá'vi é da mii kuē'en tsí diu'un ntío ña.

¹²Uun ña'a ña, ña vé'xi ñuú Cretá ne, kaka'an ñá naa xuva ñá ne, kaka'an ntée ña ña ñuú ña: “Ña ñuú Cretá san ne, koó dā ña vete ña. Dōó kiní ntáa ña. Dōo diin ña. Da mii kuē'en tsi ntáxili' ntaé'xi ña. Dōó du'xen ñá é káda tsiñu ña.” Kuan ō ka'an ñá ñuú Cretá san. ¹³Nuu é ntaā i é káka'an ña. Dukuān né, ntii ká'an ni ña vata koo é na kuinti'xe vā'a ña. ¹⁴Ká'an ni ña tē ña ku de ña kuénta dovete e ntáka'an ña Israeé san, ntē ña ku kuinti'xe ña tú'ūn e ntáka'an ñá'a ni ñá, ña é ña ntío i tú'ūn Xuva kō.

¹⁵Kuenta iña ña é vā'á ne, vā'á é un ntí'i nuū i. Ntá tsi kuenta iña ña é kīni ntáa, ña é ña ntío i é kuinti'xe i ne, ña túvī nee iña é vā'á iña ña. Tsí ña vā'a dikí ña; nté nima ñá ña vā'a. ¹⁶Ntáka'an ña tsí ini ñá Xuva kō, ntá tsi kútuni ko tsi ñá ini ntí'xe ña ña, tsí da mii e ntáde ña é kīni kaa. Ná ntío ña kada ntaa ña é ntío Xuva kō; ntē ña ntaidiá'vi ña é vii ñá da neé ka nuu i é vā'a.

Nchú'ūn é nuu é ntaā i

2 Ntá tsi divīn né, nakuā'an ña'a nchú'ūn é nuu é ntaā i. ²Ká'an ni ñatā sán tē ña ku de kí'vi ñá; ntē ña ká'an dikí ña, vata koo é na kuiko ñu'u ñá'a san ña. Na kadā kuení va'á ña nté koo víi ña, nté koo ka'an ña. Na kuinti'xe vā'a ña. Na kuinima ñá ta'an ña. Na kūtíi ña nima ñá ni ñá'a san. ³Ká'an ni ñadī'i átā sán dī te na kuiko ñu'u ñá; ntē ña ku ka'an kīni ña iña ña'a; ntē ña ku de kí'vi ñá. Na nañē'e ñá ña'a san nté koo é vā'á koo víi

ñá. ⁴Na nañē'e ñá ñadī'i kuétsi san nté koo kuinima ñá xii ña ni i'xā ña. ⁵Na nañē'e ñá ña é vā'á koo na kadā kuení ña nté koo víi ña, é na vii ñá da mii kuē'en tsí nuu i é vā'a, é kuénta víi ña vi'i ña, é na ntuntá'ví ini ña ña'a, é na kuinti'xe ña é káka'an xii ña, vata koo é xoxo kuvi ká'an kīni i iña tú'ūn Xuva kō.

⁶Kuan tsi koo ka'an ni na kuétsi sán dī te na kadā kuení va'á na nté koo víi na. ⁷É un ntí'í é víin ne, nañē'en ñá'a san nté koo víi ña é vā'a. Dá kanakuā'an ña'a sán ne, kanīi nima ó ka'an ni ña; ñá ku ká'an dikín ni ñá dá kanakuā'an ña. ⁸Vā'á koó ka'an, vata koo é ña kuvi ka'an ntée ña'a o. Kidāa ne, kuka'an nuu ña, ña é ña kákuinti'xe i, tsí ña tuví nee núu i é kūvi ka'an ntée ña o.

⁹Ká'an ni ña ntáde tsiñu san te kadā ntáa ña é káka'an tó'o ñá; na vii ñá tsiñu vā'a vata koo é dīni tó'o ñá é un ntí'í é káde ña. Ná ku nantiko koó ñá ka'an ñá te káka'an tó'o ña ni ñá. ¹⁰Ñá ku kí'i dú'u ña, tsí kanīi nima ñá na vii ñá da mii kuē'en tsi é vā'a, vata koo é na kūtuni ñá'a tsi dóo va'a tú'ūn iña Xuva ko, ña é nakáku kō.

¹¹Tsi e táxnuu Xuva kō e dóo va'á iña ñá, vata koo é nakáku un ntíi ntíi ña'a. ¹²E dóo vā'á o dé Xuva ko ni kō né, kuān ó kanañē'e ñá kō é xtuví mii o é kīni kaa, é ña kuinima ko é ío ñuxiví san. Ntá tsi na kadā kuení va'á ko nté koo vii o é vā'a é ntío Xuva kō vevii é kuntoo o ñuxiví sa. ¹³Ñii dukuān ntantétu o tē xee ntúvī é vā'á kue'en da kí'xi xtúku Xuva kō, ña e dóo ka'nu, ni Jesūcristu, ña é nakáku kō. ¹⁴Divi

ñā xe' é ñā ntuvi iña ñā kuenta iña ko vata koo é nakakū ñā ko da nēé ka nuu i é kīni kaa, vata koo é na ntāntoo ñā nima ko é kuvi o iña mii ñā, é ñīi kue'én ini kō é vii o é vā'a.

¹⁵Sá'a kā'an. Sá'a nakuā'an ñā'a san. Nāxnuun ka'nun nima ñā ne, kadan tīin ni ñā, tsí ñīvi tsiñu e teé tsiñu Xuva ko o é viin. Nā dā vā'a o é na nāntii ni'ni ñā o.

Nté koo vií ñā kuínti'xe i

3 Na nāka'an ñā kuínti'xe i sán te na kī'vi diki ñā é kāka'an ñā tsiñu na'nu i san ni da xōó ka ñā tsiñu i, te na kāda ntaa ñā é kāka'an ñā, te na kōo tú've ñā é vii ñā da nēé ka tsiñu é vā'a. ²Ká'an ni ñā tē ñā ku ka'an kīni ñā iña dá xōó ka ñā'a, te vā'á koo na kuntōo ñā, é vā'á koo na vii ñā ni tā'an ñā, na kuiko ñu'u ñā.

³Tsí xo'ō né, dōó tuntu o, dōó lo'lo o kídaā di. Ntaíka o ntákunaa o. Ide o da nēé ka é ntio nima kīni kaa kō. Utén uten edé o é kīni kaa. Dē né'u iní o ni ta'an kō xé un xé un o. Ñā ni ntío ñā'a san kó ne, ñā ni ntío ko ñā di. ⁴Ntá tsi Xuva kō, ñā é nakáku kō ne, nánē'e ñā kō tsi dōó ncho vií ñā é vā'á ni kō, tsi dōó kuinima ñā kō ne, ⁵nákakū ñā kō. Ñā túvi nēe nuu i é vā'a é ēdé o vata koo é nakakū ñā kō, tsí mii ñā ntúnta'ví ini ñā kō. Nākate ñā nima kó da nakáku ñā kō. Ntuvi xēe tá'xi ñā ko kuenta iña Espíritū Sántū. ⁶Ntekú ka tá'xi ñā kō Espíritū Sántū san kuenta iña Jesúcristu, ñā é nakáku kō. ⁷Dōo vā'a o dé Jesucristu ni kó vata koo é kuvi kuntetu o é ni'i ko ntuví vā'á iña ko ntií ñā nu'vi.

⁸Nuu é ntaā i é kāka'án u ni o ne, ntio ko é ñīi kue'én ini o kā'an ni ñā kuínti'xe i Xuva kō sán vata koo é kōto vā'a ñā nté koo vií ñā nuu i é vā'a. Sá'lā e dōo va'á, e dōo kaidiá'vi i é vii o un ntií ntií o. ⁹Ntá tsi ñā ku kinin núun te tsixe'e ñā'a nuu i é tūntu, te ncho nāa núu ñā kuenta iña ñāta ñā, ñā intóo kídaa, kuenta iña i nté o kaka'án lei Muísee. Núu i tsikán ne, ñā tē neé nuu á'vi kue'én te nāa núu o.

¹⁰Te iō ñā'a kakini nteē ñā ñā kuínti'xe i sán ne, di'na kue'én ñā itsi te ūvi íto ne, tē ñā ncho tēkú ñā ne, kidāa ne, ñā kún den ká ñā kuenta. ¹¹Inin tsí ñā kuan ntāa sán ne, dōó kiní o ntáde ñā. Kuétsi mii ñā te kūnaá ñā.

Nté koo vií Tito

¹²Ama táxnūu ú Artemá o Tiquicu mí tūvín ne, koon ntiin kue'én mí tūví u ñuú Nicopoli. Ikan kutūví u dá ntūvi ví'xin san. ¹³Da nēé ka é kūvin viín ne, xntiín Zena, ñā kanada'ān sán, ni Āpolo, vata koo é ñā té neé kūnaá nteē ñā itsi kán mí kī'in ñā. ¹⁴Nakuā'an vata koo é na kūtú've ta'an kō e dōo va'á na vii ñā, é na xntií ñā tā'an ñā, ñā ntátaan núu i, vata koo é na kaidiá'vi ñā.

I'a ntí'i é ūve na'a tutú san

¹⁵Un ntií ntií ñā'a, ñā é ntio dadii ntí ni i né, taxnūu ñā ntiusi iña o. Ká'ān ntiusi ni ún ntií ntií ta'an ko, ñā ntákuinima í ko tsí dadii tsi kuínti'xe kó ni ñā. Xuva ko na nāxnuu viko ñā nto un ntií ntií nto.